

傷寒六經新解

楊序

嘗羨秦地昔為文化發源之處亦名醫生聚之區也若夫文

武周公聖人也政治平隆盛德也茲姑不論焉且以名醫而

言之春秋之時則有秦和秦緩繼之者則有醫詢秦漢之時

則有扁鵲倉公(均臨淄人)繼之者則有華佗(沛國譙人)彼雖非秦人

均留連於秦遊歷於秦生活於秦死亡於秦故有稱伊等為

齊派而出於秦派也皆有由矣隋唐之時則有孫思邈(古華原縣人)

(今耀縣人)繼之者則有王燾(陝西郿縣人)此皆明醫而著名於

後世者也蓋因黃帝雖生於軒轅(今河南新鄭縣)而終於橋山(今陝西中

部神農雖生於烈山(湖北隨州北)而長於姜水(陝西鳳翔府岐山縣東)故醫

之精明者皆接踵於秦以其近聖人之居使然也今則有維

君聲峻者亦秦人也

（陝西長安人）

醫道昌明著作甚多而傷寒六

經新解一書尤爲驚奇發揮二千年

（漢靈獻時至今民國）

未有之傑作

開通萬世後所無之珍本也表揚醫聖之德者頗大洞明醫

界之功者誠高也否則傷寒論外治十二經絡內治五藏六

府之書豈不終誤於區區傳足而不傳手之說舍去手之三

陰三陽經除却手之三藏三府病拘束足六經遺失手六經

韜晦古聖人縮小古聖經詎不憾焉查維君聲峻者名鏞清

宣統元年以儒生而考入陝西巡撫恩提學使余所倡辦之

醫學專校余則忝充教務長之職當時徐觀察德立張觀察

燮堂爲先後監督王知縣溶號菊生楊知縣寶年號夢竹皆充教員其餘教員余忘之矣教授生徒正額二十名維君列於正額之中其餘副額百餘多名每屆學期考試維君輒冠首名當時教師皆器重焉後余攝篆山陽縣未幾反正徐張觀察均回原籍王楊教師相繼而逝獨余存焉時年八旬有六豈敢云大德者壽耶維君請爲序余以師生之誼又感青藍之義略言顛末稍列梗概始嘆培養醫學人才之力今則收效不亦懿歟又觀陝西通志技術類有維君所編種痘常識列於孫思邈等十一人中更光榮耳因爲之序

民國卅一年端陽節前雲南八旬有六老人晉三楊恩錫序

曹序

維君聲峻者秦之良醫也聲名洋溢峻德修明既通歧黃又明申韓四書五經諸子百家有則皆習無所不知也且舍政法之途而不仕見慈善之事而勇爲家計貧寒每遇窮苦而猶周濟人情冷煖輒逢富豪而自傲慢不以富貴動其心不以權豪移其性其志爭爭有如此者斯余區區所深知也今著傷寒新解一書余則反復詳閱數次余雖昧於醫道余則明於理路人之一身及其百骸外而十二經脈內而五臟六腑全體原係整個週身並非零碎所謂牽一髮而全局動傷一指而痛澈心豈有邪傳足而不傳手之理乎若非維君茲

將傷寒六經一書詳細分晰一隅三反發揮無遺闡明已盡
吾恐醫治十二經脈之書終曰僅治足之六經醫治五臟六
腑之書終曰僅治足之三臟三腑遺手之三陰三陽經而不
問置手之三臟三腑病而不顧豈不怪哉今經維君說穿說
通人身成爲一體窮經窮理醫聖卽是大聖斯真解釋聖經
者斯真尊崇聖人者近又著就最新經驗疹痘科前觀編有種
痘常識各書誠爲保護患疹痘者之寶庫亦爲拯濟衆嬰孩
者之慈航也是爲序

中華民國三十六年十二月長安俊生曹文煥謹序

傷寒六經新解補語

余所著之傷寒六經新解一書迄今已有七載之久未有質問於余曰此書前已有之偶云有之者不過一句兩句東鱗西瓜而已間曰有之者不過一知半解南轅北轍而已前者零碎而不全後者含混而不通余將六經詳細而分晰之又將六經周密而精辨之本溫故而知新之義從革故而維新之宜因名之曰新解卽名之曰通解亦無不可而有何傷乎大學云人之有技若己有之者吾曰君子也人之有技媚疾以惡之者吾曰野人也嘆甘霖潤物路人怨尤明月映戶竊盜憎嫌天地之大且有所憾况於人乎蹠犬吠堯非堯不仁

司馬厄孔豈孔無德聖人之尊亦有所忌况其他乎所謂德
修謗與道高毀來者此也所謂道高一丈魔高十丈者此也
總之有弗辨辨之弗明弗措也有弗行行之弗篤弗措也茲
再正之達人君子訪於博學通儒余之書有雷同於人者否
有風行於世者否有抄襲剽竊者否有人云己云者否不過
引經據典以證之而又發揮所得以言之宣傳古聖之精蘊
改革後世之誤解彼言足而不及手舍手而專言足者違背
經之深旨錯註經之精義晦醫聖之病論縮醫聖之方法余
既爲國醫之份子則當盡國醫之責任凡對於國醫之經傳
倘若有欠缺之註解者應有補充之自由亦有更正之義務

發揚而光大之擴充而高遠之方爲崇聖始爲尊經知我罪
我功之毀之余不計亦不顧焉昔者文王演易經孔子刪詩
書發古聖之奧旨改前人之虛無如斯而已有何言乎

中華民國卅六年十二月一日聲峻維鏞書於老當益壯室

前陝省熊主席斌題

題

「學遵仲景」

王民政廳長典章

題「深明經義」

省府辜秘書長仁發

題

「解釋新穎」

各四字又省府李秘書問渠所擬之序因警報期間
收藏過密搜尋不着以後覓出再印特此聲明

長安聲峻維鏞敬啓

傷寒六經新解自序

傷寒一書。僅列六經。傳至後世。不知細讀書旨。三隅可反。輒云古訓。居然遵爲鉄案。一成不變。詎知千頭萬緒。蘊藏於內。絕非一知半解。洞見其中也。蓋往往以遵重先聖者。反晦先聖。自爲上工者。竟非上工也。何則。夫傷寒所論六經。卽分明陰陽十二經也。傷寒所稱六經。卽包括藏府十二門也。如太陽病。卽指手足太陽病也。如陽明病。卽指手足陽明病也。如少陽病。卽指手足少陽病也。其餘太陰病。少陰病。厥陰病。均指手足太少厥陰經而言也。豈非陰陽十二經耶。又如太陽病。卽指膀胱與小腸病也。如陽明病。卽指胃與大腸病也。如

少陽病。卽指膽與三焦病也。其餘太陰病。卽指脾與肺病。少陰病。卽指腎與心病。厥陰病。卽指肝與包絡病而言也。豈非臟腑十二門耶。惟其兼手足十二經而言也。古聖僅以太陽陽明少陽太陰少陰厥陰六經而代表之。不分手足而手足自在其中矣。十二經自在其中矣。惟其兼臟腑十二門而言也。古聖不以膀胱小腸胃大腸膽三焦心腎肝包絡多門而代表之。不言臟腑而臟腑自在其中矣。十二門自在其中矣。是猶傷寒一書。統治風寒暑溼燥火各證。則僅以傷寒二字而命名之也。須知古聖一言包羅萬象。古聖一書參合三才。後人不慎思之。明辨之。輒云傷寒傳足不傳手。又曰傷寒僅

治寒邪。聚訟盈庭。莫衷一是。余今分別而明經旨。將其提綱而加解釋。俾後世研究斯道者。知古聖遺留此經也。而其範圍廣大。意思深長。絕非膚學狹小。末技淺近者。僅以管見微識。拘束六經。宜卽洞明巨理。反復三思也。至於毀譽。則不計功罪。亦未思也。尙望世界君子。中外人士。正誤指謬。據理批評。以便再版。而更正焉。是爲序。

中華民國三十年中秋節長安聲峻維鏞敬序



錄目書醫氏維

經 驗 痘 科	經 驗 癩 科	百 家 醫 話	傷 寒 拔 萃	脈 學 大 成	內 經 釋 句
經 驗 雜 科	經 驗 疹 科	醫 案 集 要	金 匱 歌 按	應 用 本 草	難 經 解 惑

正編印者

傷寒六經新解

長安聲峻維鏞著作

太陽經病脈證提綱

太陽之爲病。脈浮。頭項強痛。而惡寒。

解曰。此太陽經。後世各家均註解爲足太陽膀胱經。蓋以靈樞經脈篇云。膀胱足太陽之脈。起於目內眥。上額交巔。其支者從巔至耳上角。其直者從巔入絡腦。還出別下項。循肩膊內。挾脊抵腰中。入循膂。絡腎屬膀胱。又因傷寒論太陽篇中有熱結膀胱等句也。所以脈浮者。註爲足太陽之表脈也。頭項強痛者。足太陽之表證也。而惡寒者。足太陽之傷寒也。皆專指足太陽經而言之。吾謂此太陽經。不純指足太陽膀胱

經。且兼手太陽小腸經也。何則。靈樞經脈篇云。小腸手太陽之脈。起於小指之端。循手外側。上腕出踝中。直上循臂骨下廉。出肘內側兩筋之間。上循膈外後廉。出肩解。繞肩胛。交肩上入缺盆。絡心循咽下膈。抵胃。陽可通足屬小腸。其支者從缺盆經循上頰。至目銳眦。却入耳中。少可通兩其支者別頰上頰。

音拙面骨也

抵鼻至目內眦。

太可通足

斜絡於額等句也。由斯觀之。

此太陽經指手足兩太陽經而言也。明矣。况脈浮者。手上而足下。手近而足遠。且手太陽之脈通於手。足太陽之脈而未通於手。此表證之浮脈。應兼手太陽經者一也。又手太陽之脈亦上於頭項。此表證頭痛項強之病狀。應兼手太陽經者

二也。至於而惡寒者。豈週身惡寒。獨手不惡寒乎。此表證之傷寒。應兼手太陽經者三也。且傷寒太陽論中云。四肢微急。難以屈伸者。又云。夜半手足當溫。又云。不知痛處。乍在腰中。乍在四肢。又云。其人又手自冒心。又云。惡風寒。手足溫。又云。頸項強脅下滿。手足溫。又云。但頭汗出。劑頸而還。又云。手足燥擾。捻衣摸牀。又云。微惡寒。手足冷。又云。手足溫者易愈。由此種種病狀驗之。尤應兼手太陽經者四也。此太陽經病也。茲再從太陽府病研究之。傷寒太陽篇中云。若被下者。小便不利。直視失溲。又云。其人惡風。小便難。又云。心中滿微痛。小便不利。又云。自汗出。小便數。又云。或小便不利。少腹滿。又云。

其小便清者知不在裏仍在表也。又云得小便利者必自愈。又云頸項強小便難者。又云若小便利者大便當鞭。又云胸滿煩驚小便不利讖語。據以上種種病狀考之。更應兼手太陽府者也。何則。素問刺法論云。小腸者。受盛之官。化物出焉。靈樞脹論云。咽喉小腸者。傳送也。接受盛者。受盛胃中水穀之化物也。傳送者。咽以傳送飲食也。喉以傳送氣化也。

呼吸氣

小腸則傳送胃中水穀之化物也。難經四十四難云。胃為奔門。其太倉下口為幽門。大腸小腸會為闌門。今傷寒云。小便不利。小便難者。係小腸有病。未能消化。受盛水穀之化物。又未能傳送。受盛水穀之化物。直由闌門而滲出其水於膀胱。